

Uunga siunnersuut: Akileraaruserinermik ingerlatsineq pillugu Inatsisartut inatsisaata allanngortinnissaa pillugu Inatsisartut inatsisaat

(Aningaasaqarnermut Akileraartarnermullu Naalakkersuisoq)

Saqqummiussissut**Siullermeerneqarnera**

Naalakkersuisut sinnerlugit matumuuna akileraaruserinermik ingerlatsineq pillugu Inatsisartut inatsisaata allanngortinnissaa pillugu Inatsisartut inatsisissaattut siunnersuut saqqummiutissavara.

Siunnersuutigineqarpoq, kalaallit suliffeqarfii pisussaaffilerneqassasut nunani allani suliffeqarfiit, sulisorisanik atukkiussinernut isumaqatigiissuteqarfigisimasat aqqi aamma suliffeqarfiup nalunaarsorneqarnermut normui pillugit paasissutissiinnissamut.

Sulisorisanik atukkiussineq naalisarlugu tassaavoq, kalaallit suliffeqarfiisa suliassanik naammassinninnissamut nunanit allanit sulisunik attartorneri. Sulisorisanik atukkiussinermi akissarsiarineqartut Kalaallit Nunaannut akileraarutaasussaapput, nunatsinniinnerup aallartinneranit.

Akileraartarnermut Aqutsisoqarfiup ilaatigut sanaartorfinnik nakkutilliinermut atatillugu paasisimavaa, sulisut nunani allaneersut- sulisorisanik atukkiussinermi pissutsit malillugit atorfeqartinneqartut - akileraarutininik akiliineq pillugu malittarisassanik malinnissimannngitsut.

Pisuni tamakkunani pissutsit iluarsineqassappata, suliffeqarfinnut, akileraarutininik eqqortuninik unerartitsisimannngitsunut piumasaqaateqartoqassaaq, soorlu aamma sulisunut pineqartunut piffissami pineqartumi, akileraarutitigut naatsorsuutininik naqqiisoqassasoq.

Neriuutaavoq Akileraartarnermut Aqutsisoqarfik paasissutissanik nutaanik pissarsinermigut, ilaatigut kukkunerpassuit pinngitsoorsinnaagai kiisalu suliassaqaarfimmi Akileraartarnermut Aqutsisoqarfiup nakkutilliineranut atatillugu paasissutissat naleqarluarsinnaasut.

Sulisut nunani allaneersut nakkutigineqarnerisa tapersorsorneratigut qulakkeerneqarsinnaavoq, akileraartussaataitanermut malittarisassat ataqqineqarnissaat, tamannalu naalakkersuisooqatigiinnissamut isumaqatigiissummi anguniakkap, sulisut nunani allaneersut ullormi siullermiilli Kalaallit Nunaanniinnerminniit akileraarutininik akiliisarnissaat pillugu piviusunngortitseqataassalluni.

Ullumikkut qujanartumik sulisut amerlapput aamma aningaasaqarnikkut pissutsit pitsaallutik. Piffissani aningaasaqarnikkut appararfiusuni aamma suliffissanik pilernguffiusunik,

sulisussanik akikinnerusunik akissarsiaqartitsineq aamma akileraartarnermik
saneqqussiinnarneq piunerulersarpoq. Siunnersuut una pisartunut taamaattunut
akiuiniarnermut alloriarnertut annikinnerusutut pisariaqartutulli isigineqarsinnaavoq.
Siunissamili annertunerusumik iliuuseqarnissaq pisariaqalersinnaavoq. Maannamulli
Naalackersuisut pisut takoqqaassavaat, kiisalu suliffeqarnermi ineriartorneq nakkutigissavaat.

Taamatut naatsumik oqaaseqarlunga siunnersuut Inatsisartuni suliassanngortippara.